

Vaughan Gething AS
Gweinidog yr Economi

18 Ionawr 2024

Annwyl Vaughan

Rheoliadau Deddf Marchnad Fewnol y Deyrnas Unedig 2020 (Gwahardd Gwasanaethau) 2023

Diolch am eich ymateb dyddiedig 19 Rhagfyr 2023 i fy llythyr dyddiedig 22 Medi 2022 mewn perthynas â'r Rheoliadau uchod, a nododd fy Mhwylgor yn ei gyfarfod ar 8 Ionawr 2024. Er ein bod yn ddiolchgar am y wybodaeth a ddarparwyd gennych, byddem yn croesawu cael rhagor o fanylion mewn perthynas â rhai materion er mwyn cael gwell dealltwriaeth o'r sefyllfa.

Nodwn fod y Memorandwm Esboniadol ar y Rheoliadau yn nodi'r canlynol:

"Welsh Ministers consented to the instrument. However, consent from all Devolved Governments has not been provided within the period of one month beginning the day on which it was sought. In reliance on section 18(9) of UKIMA, the Secretary of State may make the instrument without that consent. As this instrument is made without the consent of these Governments, the Secretary of State has published an explanatory statement in accordance with section 18(10) of UKIMA."

Yn ei datganiad esboniadol a wnaed ar 20 Gorffennaf 2023, dywedodd yr Ysgrifennydd Gwladol dros Fusnes a Masnach, er nad oedd cydsyniad yr holl lywodraethau datganoledig wedi dod i law, ei bod yn bwriadu bwrw ymlaen i wneud y rheoliadau gan eu bod yn bwysig i sicrhau bod cwmpas cymhwyso'r egwyddorion mynediad i'r farchnad yn Rhan 2 o Ddeddf Marchnad Fewnol y DU yn adlewyrchu'n well sut mae gwasanaethau'n cael eu rheoleiddio ledled y DU ar hyn o bryd.

Byddwn yn ddiolchgar pe gallech:

- nodi natur unrhyw drafodaethau a gynhaliwyd rhwng Gweinidogion Cymru a Gweinidogion yr Alban mewn perthynas â'r rheoliadau ac egluro, os gallwch, a wrthododd Llywodraeth yr Alban gydsyniad, neu na chyhoeddodd ymateb i gais yr Ysgrifennydd Gwladol;
- esbonio ymhellach benderfyniad Gweinidogion Cymru i gydsynio i'r offeryn, yng ngoleuni'r ffaith nad yw cydsyniad Llywodraeth yr Alban wedi dod i law Llywodraeth y DU, ac, os yw'n berthnasol, esbonio pam y daeth Gweinidogion Cymru i benderfyniad gwahanol;
- nodi a gawsoch unrhyw drafodaethau gyda Llywodraeth y DU am y Rheoliadau yn y 12 mis yn fras rhwng rhoi cydsyniad a gosod y Rheoliadau, ac os felly, natur y trafodaethau hynny.

Rwy'n cydnabod eich esboniad nad oedd digon o amser i ymgysylltu ag Aelodau o'r Senedd cyn gwneud y penderfyniad i gydsynio i'r offeryn hwn. Fodd bynnag, byddwn yn ddiolchgar pe gallech ymrwymo i gynnal ymgysylltiad o'r fath yn y dyfodol yn absenoldeb unrhyw amgylchiadau esgusodol.

A fyddech cystal â darparu ymateb i'r llythyr hwn erbyn 24 Ionawr 2024.

Yn gywir,

Huw Irranca-Davies

Huw Irranca-Davies
Cadeirydd

